

地150.167
41
28

第捌冊

人物志三

人物志四

香大譜續傳縣志

商水縣志卷十九

人物志三

儒林

後漢

周防字偉公汝南汝陽人也父揚少孤微常修逆旅以供過客而
不受其報防年十六仕郡小吏世祖巡狩汝南召掾史試經防
尤能誦讀拜爲守丞防以未冠謁去師事徐州刺史蓋豫受古
文尚書經明舉孝廉拜郎中撰尚書雜記三十二篇四十萬言
太尉張禹薦補博士稍遷陳留太守坐法免年七十八卒於家
子舉自有傳後漢書本傳

鍾興字次文汝南汝陽人也少從少府丁恭受嚴氏春秋恭薦興
學行高明光武召見問以經義應對甚明帝善之拜郎中稍遷

商水縣志

卷十九

人物志

一

左中郎將詔令定春秋章句去其復重以授皇太子又使宗室
諸侯從興受章句封關內侯興自以無功不敢受爵帝曰生教
訓太子及諸王侯非大功邪興曰臣師丁恭於是復封恭而興
遂固辭不受爵卒於官後漢書本傳

袁良字周卿太尉安之祖也習孟氏易平帝時舉明經爲太子舍
人後舉孝廉爲成武令歷官廣陵太守討賊張路威鎮徐方病
歸使者持節安車請爲國三老順帝賜宴九龍殿尋賜錢十萬
雜繒二十端年八十五永建六年卒居無室廬殯於假館有行
父平仲之風子光博平令次騰尚書郎蜀郡太守次璋謁者

袁京字仲譽安子也習孟氏易作難記三十萬言初拜郎中出爲

蜀郡太守

後漢書袁安傳

清



陳增字禹服號虛齋監生祖王前有傳父字澤九孝謹儒雅以博
士貢成均增秉資醇素讀書務師古人不徒爲占畢學嘗揭事
業從五倫做起學問自六經得來二語於壁以自勗事親以孝
聞家貧酒穀弗缺於供友愛諸弟終身無間言名列上舍將趨
遊太學以親老輒止母劉氏病劇延醫購藥奔走百里外侍疾
十七晝夜憂勞幾廢寢食疾愈母夢神告日以汝長子孝延壽
一紀先後丁內外喪竭哀盡禮既葬負土成墳每逢忌日誕晨
輒流涕時祭品物務求豐潔初祖王前收養宗人以順生子六
皆爲授室厥後死亡殆盡僅遺孤孀母女熒熒無依增招養之
並具奩以嫁其女乾隆丁卯沙河決稟請勘驗知縣阿上官意
不欲成災增建議衆擎易舉宜按畝出資知縣張忿然作色增
從容申論張卒從其議居恒究心理學先儒語錄鈔纂成帙嘗

商水縣志

卷十九

人物志

二

告子弟曰若曹學做第一等好文不如爲第一等好人其要在
敬以持已恕以接物孜孜奉行至老不倦中丞尹因儒官申報
手題存心敬恕匾額旌之晚年涵養深醇矜平躁釋仁德之孚
譽溢一鄉配高氏賢孝交稱子五長大琰四大琳皆有聲譽序
大琰孝行純篤增沒哀毀踰禮卒大琳以廩貢應歲薦識練才
卓敦行力善不墜家風

舊志選舉志
參陳氏譜

李慎先字祇若號居敬天才卓犖文名冠一時登乾隆乙酉萃科
庚子解元平日端居讀書衣冠必整雖盛暑不去長衣命子孫
守爲家法少時遊學大梁十餘年與金敬五魏承烈陳本忠同
受業於養赤翁陳浩之門才學尤爲所器重屢試春官不遇後
陳本忠官汴憫其功名坎坷手書鵬鳥賦以贈蓋隱以賈長沙
相比也生平著述多散佚僅存有手批四書皆硃筆端楷眉批

讀杜心解及昭明文選八大家文子盤克承家學甲寅科舉人
鄧伯元歲貢生居家孝友人無間言持身端謹雖平居冬必著外
褂暑不脫長衣爲內黃訓導教士以躬行爲先讀書務求精研
著有學庸的解扼要闡精士林珍之晚年好讀宋儒書著有太
極圖解西銘解禹貢解惜多散佚

楊向榮字培本又字欣若幼失怙惟母兄是依性孤介在親前怡
怡無忤容嗜學如饑渴爲文胎息大家弱冠入庠中嘉慶丙子
副車年四十留心理學日夜思索務求其至必期見諸躬行居
恒左右箴銘與陳琳爲道義交知府瞿王皆器重之遇鄰里有
急必調之力所能助者不憚勞凡里閭祠廟在祀典者修復之
教人以實行爲先遇貧士不納修脯恐族情日疏修宗譜以聯
之晚年授修武教諭蒞任卽以八條規示諸生日求放心敦實
商水縣志

卷十九

人物志

三

行重孝弟廣見聞寡言語慎威儀遠酒色課詩文士多景從值
歲凶向榮力爲請賑以濟困阨又捐俸以助之寒士賴以舉火
者四十餘家行年七十好學愈篤著醒世箴銘以教學者年七
十九卒於任諸生弔者莫不流涕以爲喪厥典型及歸櫬執紼
焚香奠者絡繹於道旣葬舊日從遊者爲文表諸墓子孫入庠
者數人

馬得功字懋勳廩生忠厚醇謹讀書穎敏師事上蔡進士陳震東
震東甚器之竟以食餼終晚年功夫尤純嚴寒盛暑手不釋卷
讀書得間輒加批論所批四書六經士林皆寶重之性恬退讀
書外無他務終身足不履公庭子文炳孫曾列膠庠者彬彬鄰
里以五世同堂表其門

李松肇字翠翰歲貢好讀書寒暑無間從西華張桐岡遊益肆力

於古授生徒遇寒士曲爲成就家素封布衣蔬食力屏奢華構亦舫齋卽以爲號終日端坐研程朱之學足不輕出戶庭出遇婦女輒避之主靜工夫是一生得力處教人以清心寡欲爲先文藝次之遊其門者多知名士舅弟八人友愛甚篤以禮義閉家得堂上歡性慈善臨川集橋向係木椿松峯以石築兩岸防坍塌居迎沙渚二水屢修險工選里中聰敏子弟延師教之獨具脩膳暇時爲督課講解族鄰婚喪無資貧寒無告者補助之佃戶喪亡擇己地葬之至今田中邱壠纍纍異姓猶往營葬焉著有亦舫齋詩文集行世

何建標字道立號方亭歲貢生原籍浙江餘姚縣祖元龍以名孝廉爲四川梓桐縣令卒於任世父卓然率眷屬就河南臬司吳公幕後遷周家口遂家焉父裕三邑庠生始入商水籍建標性

商水縣志

卷十九

人物志

四

卓犖好讀書弱冠餼於庠帖括外兼及諸子百家九赴秋闈屢薦不售乃肆力於古文詞養魚種花怡情山水工詩善書得趙文敏法教子惟嚴授徒多所成就有族人來周口建標慨贈千金資其營業復置房數處以安其妻孥長兄廷槐早世嫂王氏無出撫異姓子東明好遊蕩嚴爲訓誨授室後畀以宅產東明卒敗家因頓無歸建標仍周卹終其身姊適李氏夫廣泰外出數年不歸姊終日憂鬱建標親往尋之越四年馳驅萬里卒於廣州得之攜以歸晚年優游園林筆墨自娛著有南游紀勝八卷奚囊小草六卷旗亭詩話十卷方亭筆記三十卷選懷慶府孟縣教諭不就年五十九卒子二甲榮熙宸各有傳

徐重潤字望海歲貢生才富學博文名冠一時師事項城舉人郭鶴齡深見器重秋闈屢躋士論惜之假館授徒造就多知名士

以商水本漢之汝陽舊志沿革失攷作商水沿革辨以正其誤
至於汾澗二水辨孰城烏溝光武臺唐鎮廟凡邑內古蹟訛傳
者皆有辨惜遺集多散佚晚年留心實學因號悔遲翁作贊以
自况先儒粹語鈔輯成編名所見集以資策勵自題晚年所著
詩稿曰桑榆集一卷藏於家重潤昆仲五人兄重光弟重輝姪
來賓皆庠生從孫如璧廩生

李如璧字持躬歲貢生才高學博天文地理陰陽術數無不精通
知府劉拱宸器重之有疑難多就質焉欲保以職如璧堅辭不
受夙占多奇驗求卜者門如市死之日哀動鄰里著有中庸講
義星學算學等書

王峽山字岐峯父知升家漸裕好善樂施峽山沉靜簡默穎悟過
人甫受書卽知奮勉稍長明大義志益卓不屑爲記誦章句之

學從師受舉子業請曰聖賢之道盡於是乎師曰志在功名非
由此進身不可曰如此亦須根柢經史宗法先正甜俗庸濫何
足言文師益器之弱冠餼於庠秋闈屢薦不受循例貢成均假
館授徒從遊日衆教人以盡倫敦品爲先嘗曰爲學而倫理虧
品行玷名教中罪人也弟子仰承師訓多循循雅飭入庠食餼
登賢書者指不勝屈處世忠厚非禮之加處之怡然嘗誡子姪
曰人之精明宜寓於渾厚精明太過則刻薄矣豈能久乎咸同
間髮逆倡亂避居城內知縣汪斌才知峽山老成諳練守禦事
多諮訪焉亂定歸里杜門謝客益專志於學經史百家無不洞
悉晚喜道學書洛學編近思錄全謝山學案謝上蔡語錄閩中
理學淵源攷諸書皆悉心研究謂門人曰此聖賢命脈也今老
矣幸得從事略識端倪諸子果志在聖賢慎勿忽此平日所作

詩文雜體惜多散佚壽八十有二子蓮榜字石臣例貢捐教職
精岐黃濟人甚衆不受饋遺孫二長祖同弱冠入庠旋補增廣
生惜早世次祖訓候選縣丞

郭華東庠生資敏好學通四書六經奧義著述甚多惜皆散佚與
人講解孜孜不倦一時知名士半出其門郭東昇郭巨源兩孝
廉其尤著也家非殷實族中貧乏輒周濟之壽八十四終以上
採訪

文苑

清

李郊字蘩周監生候選通判少承華蔭自奉儉約一如寒素別駕
董念青甚器重之郊賦質孱弱父桂芳欲其陶淑性情聞雍邱
李襄五善琴命師事之親炙五年盡得其傳晚年著有頽陽琴

商水縣志

卷十九

人物志

六

譜郊本素封戚族鄰里緩急與共患難相恤被其德者甚衆乾
隆元年黃河水溢至東西馬坡被災者衆或濟錢米或代修廬
舍所費不貲豫撫富以仁風喜御獎其門五年同從兄震興姪
樹勳捐給貧民麥種一百石捐義塾銀五十兩又與從兄震普
於東西馬坡施漏澤園三處刊施醫書數種十六年修濬河渠
隄岸知縣張獎以功贊疏濬匾額十九年知府高通判張知縣
夏同以好義堪型匾額獎之二十九年又因屢修河防道憲周
獎以金湯著績四字其他創修族譜建設宗祠祭祀有約墓田
有規敬宗睦族尊儒重道一生義行未能悉數弟都字郁周樂
善好施惠愛鄉鄰乾隆八年淮陽知縣許佩璜獎以仁心爲質
匾額子樹祥字善湘監生天資聰敏幼得家傳通音律善草隸
工詩叢臺懷古云綺羅成蔓草松柏蔭蒼苔胸襟亦可概見樹

源字宏濟亦善琴工詩爲一時知名士

舊志據李氏譜增補

王鳳至字鳴瑞號青圃幼嗜學經史子鑑博觀約取文名噪一時從遊者衆學舍幾不能容稍長者自課之冲幼者更延師誦讀購書數十種俾寒士有講肄之資遇事慷慨樂善好施道光丙申夏蝗傷稼鄉人有謂爲神蟲不可傷者鳳至作捕蝗說以曉之生平惟以修己教人爲急務晚貢成均亦不就銓著有青圃

雜記

胡天祿字銘鼎歲貢天資聰穎工詩文嘗吟詠自適所作周濱八景詩今皆散佚中州校士錄禹疏九河文考據詳明補注疏所未備年八十餘無疾而終

劉浩然字孟亨廩生祖父皆宿儒浩然幼承家訓不爲記誦之學入庠後從縣司訓李萬軸先生遊得其指授爲文悉本先正規

商水縣志

卷十九

人物志

七

範又肄業大梁與諸名士相交遊學識益增秋闈屢薦不中同治丙寅知縣葉爾安下車觀風閱其文識力超卓饒有史漢氣息亟許之晚年專重道學書所著讀經觀史作文諸法皆以心得發爲至論友教四方列廩秀入萃科者數十人張晉錫王德成其最著也晉錫天資極高幼從學淮陽屈永和又得浩然指示作文獨抒所見看書論史獨具特識嘗云蓄道德能文章道德未蓄安論文南陽任古益名宿也司鐸商水月課見晉錫文擊節稱賞與朋友交見真性情人以直友許之德成學問淵博爲文鎔經鑄史胎息名家屢薦不售以明經終教授鄉里多所成就

張雲鶴字青霄博聞強識善屬文著有華林園詞曲手訂成帙諸子百家靡不博覽尤長於醫卜術算之學占人禍福多奇中

史德辛字位庚歲貢生性誠樸好讀書古今典籍諸子百家罔不博覽文理法清真家居授徒大叩大鳴小叩小鳴成就甚多族中入庠食餼者以十數計四方來遊者更有加焉胞姪書楷恩貢生有傳子書雲庠生平居以品行爲重常語及門曰文辭藝也道德實也道德不講卽文辭極工無取焉於里黨姻戚賙其緩急與人言依於忠孝此皆本乎性生非勉強也卒年六十九門人建德教碑於墓前以志不忘

李應棠字循南幼承家學旋餼於庠鄉試屢薦未售光緒十三年河決鄭州大留南趨周口以下河隄日見傾塌應棠倡首星夜堅築賴以安堵河南布政使劉瑞祺爲父輔門下士邀應棠至汴優禮之薦主柳湖書院講席不受贈多金力辭瑞祺益器重之逾年以歲貢選遂平訓導文至應棠歿已三閱月矣

商水縣志

卷十九

人物志

八

史書楷字文範恩貢生性穎悟幼受業於胞叔德辛號位庚品粹學優循循善誘見書楷爲文筆鋒犀利語人曰此逢年技吾家跨竈子也是歲書楷赴郡長兄書動借往次兄書賢考武兄弟同案一時有三珠之譽屢膺鄉薦未售假館授徒遊泮食餼者三十餘人美盡東南生平急公好義築修曹河汾河兩隄鄭州決口水溢沙河書楷率千人赴周口助工疊蒙上憲加獎辭不受歸奉萱闈養葬獨自任之宗族鄉黨胥無間言年五十七卒著有學庸串解小學續編教授弟子子三長獻廷字輔臣附生能世其業

李廷度字伯衡少嗜學穎悟過人年十三列弟子員旋食餼河南學政景以大器目之博極羣書詩古文辭援筆立就知府劉拱宸愛其才招至署令與諸子同受業劉春生之門文名藉甚與

淮甯劉俊德項城張安雅西華蕭麟德同邑李擢英爲道義交
同治壬申卒年二十六時論惜之

葉繼祖字繩武由恩貢登同治丁未科賢書性醇樸品學見重鄉
里善屬文不以詞章見長旋司鐸遂平日與士子講道義重實
學士風爲之一變光緒二十四年以年老積勞卒於官子二長
天運增生以上採訪稿

武功

清

趙仕賢字俊宇幼英敏有武略當明季兵燹禦難有方閭里親族
被其保全者甚衆清朝定鼎隱居不仕好行其德壽九旬子孫
並列膠庠舊志

林榮字華堂號靜遠康熙間從李元帥平吳逆征臺灣剿羅岔平
商水縣志

卷十九

人物志

九

楊烈嘉調鎮古北十餘年授昭勇將軍

見碑刻

李慶雲字文青生而岐嶷有膽略性嗜讀爲舅氏趙龍章錦章所
器重父武庠生以騎射授生徒慶雲入武庠仍不廢文屢應鄉
試不售絕意進取時周口以水陸通衢商賈輻輳公議立局定
章以資保衛推慶雲爲局長咸豐間粵匪猖獗慶雲與諸紳議
募鄉勇四百人稟准抽釐助餉官商稱便高唐之敗逃匪五六
百人道經周口佔據禹王宮日肆搶掠慶雲佯與款洽見匪首
饗衆以酒懇他徙允之慶雲爲買舟數十艘列河干舟行抵李
埠口日已暮伏兵四起炮聲轟烈舟沉匪盡溺死事聞上憲極
加賞賚逾年皖匪又至飽掠而去慶雲會商諸紳築寨堡數月
告成匪再至無所得嘗率勇助張樹珊軍擊匪頻臨大敵樹珊
甚壯之收爲門下適有官軍過境扶蘇寺民誤爲匪拒之因構

釁相持不下知縣聯不得已上稟知府劉拱宸星夜馳赴慶雲
隨往百方調護事平僅罪殺爲首者數人兵部侍郎勝保平苗
逆駐軍太和飭屬向周口設分卡抽釐助餉突有土匪乘隙殺
傷官弁三十人誣商民所爲勝怒傳檄至陳將襲周口商民哭
聲震郊野盡欲逃去慶雲誓以身家保無恙卽隨知府劉赴太
和見勝保衆危之至則戟門森列慶雲正色入從容伸辯其誣
勝始霽威諭令歸將移師周鎮屆期慶雲單騎飛迎勝知衆無
異志因益重之後爵帥曾國藩督師數萬環駐周鎮廉知慶雲
有幹濟才委爲總稽查彈壓地面數月軍民相安每請見接待
甚優先後由把總保晉副將授振威將軍賞戴花翎壽六十有
六子三曾孫士夔庠生採訪稿

方正

商水縣志

卷十九

人物志

十

清

劉恂字羹元拔貢性醇謹恬淡好讀書與青州從事善不慕仕進
遴選別駕三及其門而三辭焉輕財好施惠周里黨遠近咸仰
三爲鄉飲大賓知縣郭天錦額其門曰恩蔭壽考舊志

李光遠原名維烈字容照嘉慶癸酉拔貢嗜書至老手不釋卷性
莊嚴平居衣冠修整嘖笑不苟日爲子姪講小學孝經先儒語
錄痛戒浮華傲慢習小兒不許誑罵養鳥有姪某竊蓄一鷹責
曰珍禽猶不可玩况摯鳥傷類乎又善醫精眼科應手輒愈常
備藥以施貧者同年王巽贈曰雲霧開除承妙藥珠璣璀璨捧
華箋嘗捐修臨川橋渚河岸設義塾施義地賑荒恤族善不勝
舉有張姓子孤貧無業予田十畝耕以爲養又爲置產娶妻張
得小康子姓繁衍

徐茂松字培林增生爲人端方正直天性孝友與仲兄伴松切磋
如師友伴松溫雅間適好酒能琴亦高士也孫重潤自有傳
李維慎字謹齋家貧力學非義之財一介不取與人言孝義事諄
諄忘倦子再公有父風雖日一餐不肯干人有薄田數畝嘗於
泥濘中採粟以供親又好義舉嘉道間三修河梁自愧財絀朝
夕監修自備飲食爲人謀盡心竭力不辭勞瘁壽八十餘

郭德乾字右莖性方嚴寡言笑子弟畏之不敢爲非村有爭端得
數言立服雖未博一衿而學問淹貫教授生徒盛暑弗使著短
衣族孫不歛食餼丕顯入庠皆所教也

劉得一字清天學品重一時教授諸生勤懇不倦嘉慶壬申貢成
均無心仕進惟以成就後進爲汲汲及門九十餘人游庠食餼
彬彬如也

商水縣志

卷十九

人物志

十一

蘇普收廉正持已待人忠厚善行嘖嘖人口里諺有云人盡如普
收無懼並無憂其爲鄉黨推重可見矣

李逢夏字弼臣歲貢生恒仁子性耿介有父風工詩文屢薦不第
嘗以立品勵行教門人遇事慷慨仗義鄰里有難不惜破產相
救家中落晚年衣食維艱刻苦自勵一介不取人爭高之

李楠字丹林廩貢生有學行事親色養備至灑掃庭闈皆躬親與
弟析居田宅什物皆讓美取惡酷嗜書者而彌篤鄉試七薦未
售病危猶手不釋卷知縣張器重之數與往來廉知楠有族人
處以非禮者挑之曰君有家務相累乎曷乘我在清理之楠飾
曰無或以私事相託均婉言謝之其方正無私於此可見

周鳳臨字苞九歲貢生品學兼優成就多士著有四書真諦姪貫
一恩貢生性恬淡好讀書教授生徒諄諄忘倦

邵旺午字炳南附生性温和好讀書品行端方博通經史教授鄉黨誨人不倦成就人材甚夥著有珠玉集一卷且仗義疎財惜老憐貧鄉里稱頌不置

李東源字辰漢候選州判性行高潔胸無城府工書畫雅好柳書每臨池必欲得其精髓尤喜作墨菊寥寥數筆雅澹俊逸之氣望之無盡自顏書齋曰息廬格言滿壁圖書盈筭坐卧其中視人間勢力無足撓胸者一時士夫求書畫趾錯於門行事恪遵宋柏廬格言因刻石以備體玩年五十三卒同里郭士雅贊曰卓哉李君品冠穎陽秉性謙冲賦質純良友洽兄弟孝孚高堂畫追吳顧書逼鍾王半生恬退一室徜徉何天不弔大雅云亡厥身雖歿厥名愈彰其德孚於人可知

姜夢元性耿介外家號素封屢以貲助皆卻之一日見所養馬稱商水縣志

卷十九

人物志

十一

贊之外家即使送至夢元閉門不納平生惡惡極嚴遇無行者急趨避之人以不敢犯壽七十有六

李士棟字碩卿庠生家赤貧恒間日一食嗜書嘗借鄰家燈火照讀媿媿不倦時人多從之遊晚年子亡孫幼困苦益甚士棟安貧樂道老而彌堅

王雲霄字漢章庠生和平清介家貧族有絕業人爭啖之雲霄一介不取好讀書不干外事教授鄉里成全甚衆鄉鄰重之

魏應魁字連元事親至孝生養死葬無違禮家中落棄儒就醫惟以濟人爲心不市藥不受謝雖藜藿不充略無怨尤鄉黨以爲難壽七十八

王衡平字心鑑歲貢生性沉靜束髮授書卽知勤苦勵志家無膏火貲以月照讀冬擁被至夜分不眠塾師憐其貧資書籍紙筆

衡平克自樹立弱冠入庠旋食餼教授生徒使敦品行不斤斤於文藝成就多佳士嘗語門人曰盡心行己之要不外一誠存誠之功自不妄語始最喜勸導鄉人多潛移默化有鄰人子以飲博破產行竊被執將送官懲治曰我爲饑寒所迫非慣爲此罪有應得但恥見王衡平先生執者矜而釋之衡平聞之贈數金使謀生其人卒改行生平篤於內行家庭和睦子以敬庠生忠厚和平能世其家學

牛棟材字廷松拔貢生性聰穎嗜學如饑渴持身端謹非禮不爲治經務窮其旨趣胸襟曠達不汲汲於勢利終身力學不入公門教授後生成全甚衆一時英俊半出其門如袁錫齡王佩蘭楊玉璋牛雲嵐牛軒麟其尤著也

張西園增生敦品嗜學教授鄉里多所成就惟任殿元楊玉璋從商水縣志

卷十九

人物志

十三

遊最久居常與子言孝與弟言悌諄懇如不及持躬謹慎城市囂雜之地未嘗輕踐居家孝友與弟海成怡怡無間家教甚嚴子研理能世其業

張榮先性正直好隱惡揚善遇人間談人非輒勸止之家雖困對人未嘗言貧處衆無爭嘗言瑣屑微利力猶能爲何計焉

楊峻峯字華瞻監生性剛直仗義疏財咸豐六年旱荒丁糧加征人心洶洶峻峯倡首上控糧終照舊官遂被褫一邑蒙福峻峯力也

王之幹附貢生忠厚緘默學行自勵待人無詐處渾厚和藹之氣令人可親非公事不至公庭邑東馬坡地窪甚同治二年霖雨無麥禾之幹捐貲督工濬溝渠修閘口以洩積水一方利賴之張步嶺字友松性耿介寡笑言規行矩步一時輕薄子弟咸望而

畏之平生不談訟事不履公庭雖居城讀書授徒外無所知教家尤嚴閨門肅如朝廷婦女無觀劇者晚年間居惟栽花觀書以自娛

顧炳字離齋貢生忠厚醇謹制行端嚴誨人諄諄成就多士孫憲章幼聰穎早儻於庠足徵家學矣

劉了凡字惺齋性剛方不輕然諾少讀書卽志在濟世童試屢前列改習岐黃確有心得以醫名不受餽遺人多德之常以慎疾勸人著有慎疾淺說大旨謂酒色財氣多思過慮皆足致疾惟色之戕伐爲尤甚人欲慎疾須先謹身晚年家居教子復應童試補縣學生年七十八矣光緒癸酉恩賜副榜壬午恩賜舉人邑中善舉多樂爲贊成卒九十有二子向晨性耿介家中落資教授以養兼通外科雖甚窘絕不干人

商水縣志

卷十九

人物志

十四

王全忠性剛直治家甚嚴待人則恕名望爲一方冠咸同間避亂居城知縣汪知其賢諭令督修城工協助守禦事平敘功賞六品銜

祝占元字名揚厚重寬仁平生無疾言厲色或以非禮相加毫不介意人服其量同治初避亂城居戚友因訟來城者占元必居間和處嘗謂其子曰汝辦地方公事須先潔己非公益事不可干預亦不可輕至公庭御諸孫嚴而有法或讀書或習射不稍寬假八十誕辰里人製錦頌德卒年八十有七子本立庠生行端方諳於事務咸同間守城出力獎叙六品頂戴孫金榜三奇曾孫錫晉均能守業

何熙宸字季宣廩貢生淇縣老諭冲襟雅量好古嗜奇經史淹通復留心經濟家居設帳循循善誘母邢氏早卒繼母程性和緩

兄甲榮主家務御下嚴僕婢憚之輒於程前爲離間語熙宸以至誠感動母兄卒無間言咸豐間粵匪擾境周口適當要衝衆議建寨堡以資捍衛熙宸倡捐開工日夜興築工未半而匪至率衆堵禦相持六晝夜賊不得利去寨竣稟設團防局招勇四百延西華趙鵬飛參將爲統帶逐日操練遂成精銳後賊屢至藉資剿防卒不得逞粵匪僞帥某竄至周口熙宸與官紳議曰賊精悍我無外援輕戰恐難勝不若佯和陰圖之乃卑禮往迎館於寨南禹王宮厚犒焉僞帥及賊衆數百解甲痛飲大醉熙宸與趙鵬飛李慶雲送諸河干炮響伏發殲溺殆盡事聞深荷褒獎大學士勝保督師周口欲設局抽釐助餉飭熙宸爲總辦熙宸恐累商民謂此地五方雜處難保無虞謝絕之勝作色曰吾統兵數萬戰勝攻取百司俛從何某敢作梗乎左右皆爲熙

宸危而熙宸從容去勝竟不能屈另委員置卡未幾突有土棍戕殺委員以下數十人勝疑爲熙宸謀使欲加重罪旋聞熙宸家亦被焚掠乃傳檄至陳謂周口謀反戕官將盡襲之熙宸走請知府劉隨謁勝保反覆辯誣爲商民請命乃擒渠首置之法熙宸自毀家抒難後杜門謝客寄興園林有終焉之志屢蒙各上憲保薦皆不赴時馬伯岸守衛輝與熙宸爲莫逆交函邀云不敢以重務相勞方今四方不靖百務廢弛學務尤荒落煩留心教育以振雅俗乃秉鐸淇縣教士以禮義廉恥爲宗士風丕變尋丁繼母憂計至擗踊奔喪晚年以慈善待人獎勵後進惟恐不及同治某年卒易簀時香氣經宿不散子其均增貢其坦國學生其坪候補府經歷其墜附貢候選縣丞

李鍾靈增生慎言語寡交游接人一團和氣讀書專心致志昆季

七人克敦友愛家中落衣食維艱鍾靈廉潔自守初不借貸於人親族憐其貧或周濟之不克辭必分給諸兄弟設帳授徒多所成就與同邑李如璧談經論道務入深奧知府劉拱宸重其學行孫錦公廩貢幹公民國以烈死

李全美字培初歲貢生崇實學言行不苟族黨遊蕩子弟皆畏避之平生坐卧一樓書籍滿前手不釋卷者四十年教授生徒數百人知名之士如屠殿一劉善美單維新王峽山其尤著也

李璠字蓋仲布政司理問性澹雅好琴書喜吟咏愛交海內名士一時搢紳先生樂與之遊有行樂圖一軸名公巨卿題贊殆徧其一王敬贊曰名士多奇表多姿迴絕倫耳清松籟細目曠野天親綠樹音古錦囊得句新無言心自遠八極日凝神卽斯已可見其人矣族孫興字雲程性孝友三歲而孤事兄執隅隨商水縣志

卷十九

人物志

十六

重

葉奉先字善繼世居鄧城鎮家素封周急濟困義聲著一鄉父繡章崇尚儒術奉先幼聰穎讀書過目成誦年十五淹貫七經作文有奇氣弱冠卽食廩餼益勵志於學經史外旁及國朝掌故先正格言無不博覽尤以董江都正誼明道兩言爲準繩援例捐教職署遂平學教諭教士子以盡倫立品爲先陋習新入庠者學官任意需索奉先力矯其弊富者令執贄自上貧者卻之尋授宜陽教諭以匪亂辭不赴任加捐鹽運司亦不赴選閉戶教子顏氏家訓呂氏童蒙訓等書日與講解嘗謂所親曰忠厚是養福之道每見人天資刻薄縱生長富室理難久享一生與人無睚眦口角親黨中或有訟端奉先力爲排解嘗捐城宅作

試院復輸五百金爲經始費與弟兆先友愛甚篤子三長凌霄捐縣丞次凌漢監生早世復元廩貢捐教職承弟兆先嗣復元字啟運慷慨好施光緒戊戌春捐入本城粥廠銀三百兩錢二百七十緡周口粥廠錢五十緡己亥放穀百石宣統庚戌白地決口放穀三十石捐賑欸一百緡又捐修本縣學堂錢三百緡時蘊章字玉珠庠生性謙和寡言語不輕臧否人物亦無脂韋習接引後學諄諄以敦品勵行相勸勉常坐卧一室吟咏不絕年七旬餘猶日對晴窗作小楷鶴髮童顏精神矍鑠五子兆驪兆璵入武庠諸孫滿前壽八十

劉善美恩貢生家清貧無力讀書從兄善繼每補助之善美亦勵志攻苦早入庠年十七卽投徒李寨從學無不欽佩及門遊庠食餼者甚多清操和氣鄉黨皆親敬之

商水縣志

卷十九

人物志

十七

趙步斗字凌霄歲貢生拔貢懷瑾曾孫步斗幼承家學爲文宗先正教人以敦品勵行爲先商淮兩縣知名士多出其門事親承顏順志胞弟步珍績學未售友愛甚篤待族鄰一本忠厚鄉里交稱子二長性善次樂善能世其業

李壽椿字璞庵父泰旭績學未遇壽椿幼穎敏淹通經史爲文磊落自恣邑侯萬孚奇其才拔置首選遂入庠命與二子伴讀學益進戚某以訟事求關白嚴辭拒之萬寢疾召謂曰汝家酷貧爲學不能治生餬口何賴有白銀千兩資助家用壽椿堅辭不受萬卒壽椿感知遇之恩爲服心喪輓歸哀送道旁咸豐未匪破周口適壽椿攜子館於外妻韓氏赴井死重修永甯寨奉親以居鄰里賴保全者甚衆亂定周口創立靜遠書院設義塾聘壽椿主講席多所成就晚年以歲貢中光緒辛卯副榜從遊者

多彬彬雅飭族姪介祐介祺其尤也子盪塵能世家學孫熙黼業儒

李化南歲貢生家赤貧喜讀書冬夜足凍裂承以草器誦猶不輟妻某氏童養於家冬無綿絮糟糠恒不飽鳩形鵠面翁姑欲出之化南曰若然彼命休矣吾無力再娶人將謂我何彼貌雖醜幸無大過命也何尤未幾化南補弟子員旋食餼伉儷甚篤生三子長乾元次掄元均入庠凱元業儒

劉騰雲字振翮性剛直家貧好學初市油爲業挂書車上稍息卽讀夜妻紡織借燈光中宵不倦卒餼於庠貢成均教授生徒規則嚴明士子多被成就

柰凌淞副貢生好讀書不樂仕進家居授徒被其教者皆循循雅飭詩書自娛未嘗干預外事

商水縣志

卷十九

人物志

六

趙景蕃性沈靜自處一室讀書其中好臨古帖頗得神妙雖居城市人罕識之惟日與二三儒士論文談詩不及時事若遇善舉必捐貲贊成

屠溥田字雨農廩生進士爾敏從叔爾敏幼從學溥田愛其聰穎端重卽許爲大器性嚴正篤於內行處事能退讓容忍故終身與人無爭端教授鄉里以明倫立品爲先多所成就爲文悉本先正軌範宗師按臨試輒高等秋闈薦而不第後淡於仕進杜門謝絕世故而以事親教子終焉子爾泮廩生孫寶璣庠生

張國梁字輔宸庠生端方厚重家貧力學資館穀以養教授生徒必多方誘掖以曲成之有以訟事相干者拒而不答終身足跡不履公庭精醫術以濟世爲心不屑營利長子汝秀承庭訓早入邑庠篤信謹守有父風復以儒醫繼業光緒三十年弟子武

棟材苑乃錫李長庚等爲立教思碑

蕭維馨字如蘭性古樸直言無隱動止不苟弱冠通五經補增廣生事親孝母病湯藥親嘗衣不解帶者二年及母歿哀毀逾禮處祖喪亦然訓子弟及門人均以禮法爲重壯遊明道書院從湘潭黃恕軒項城楊仲唐益勵志聖學嘗語人曰欲觀其學先覘其品品行不端學術斯下矣當盛暑必著衣每遇風雨迅烈率諸生起立致敬卽曰敬天之怒無敢戲渝聖人所以必變也以父精醫術世其業精思妙會多有獨得處族鄰務敦禮讓著有範俗鄉約平生衛道甚嚴力闢異端著有原道啟其他雜著多散佚年四十七卒喪一方之典型士論惜之

郭明禮字履堂歲貢平生慕謝安爲人自號仿安祖成章精岐黃父炳南有大志早沒明禮方六歲母許氏勵志撫孤祖年老雖商水縣志

卷十九

人物志

十九

鍾愛之教之甚嚴明禮聰穎過人稍長卽知奮志爲學弱冠丁祖父艱喪葬如禮服闋卽蜚聲黌序光緒丁酉科房薦備申時湯陰蘇幼山秉鐸商水閱其文深爲惋惜明禮以命自安益研精經史折衷程朱念母年老淡心仕進設帳里閭從遊者甚衆誘掖啟迪諄諄忘倦尤以忠孝二字爲立身之本嘗謂諸生讀聖賢書不可徒研章句能將古人言行體之於身便是學問爲人溫和慎重與人接藹然可親事母爲孺子慕事無大小必請命而後行母或不懌則長跪引咎俟解乃起有疾輒焚香拜斗祈延母壽平居雖在塾講授每日必周旋親側沒之日猶執書呶唔覺體不適毫無痛苦狀與母歷言家事似有不忍言者俾然適兒易簪從容偃卧近視目已瞑矣年五十一戚友來弔者皆痛惜之子一海峯海澗皆業儒

以上採訪稿

趙含美字韞玉少失怙恃性端嚴教家有法一生尙節儉戒奢華烟賭尤所深惡鄰里咸以方板目之

李願公字向宸工翰墨得柳趙筆法家貧授生徒成全人材甚多尙廉節敦禮教非義一介不取對戚族親朋衣冠必整鄰里相爭用好言安慰至今人猶稱其德行焉

時愛民好讀書澹懷名利教授生徒諄諄不倦尤謹守禮法歲時伏臘與鄰里慶賀必具衣冠性沉靜無故不入城市村前有古寺課徒之暇每遊詠於此快然自得與世無爭壽八十餘

馬書堂字森然號柳渠歲貢少孤貧讀書半資母教長受業周於德文名藉甚不爲利祿性恂謹動循禮法品行端方足爲士林楷模教人循循善誘多知名士如淮陽拔貢張景襄崑仲邑舉人周慶祉皆出其門晚年貧苦尤甚絕不干人其廉潔亦可概

商水縣志

卷十九

人物志

二十

見子晉榮庠生

趙天佑字錫嘏庠生謹厚端方不輕然諾非正人不與交惡談人
是非教授鄉里多所成就讀書不干預外事年八十五以壽終

子孫耕讀爲業

以上採訪稿

